



Puspè discussiun da fusiun en Engiadin'Ota Ina petiziun pretenda da puspè discutir ina eventuala fusiun da vischnancas en Engiadin'Ota.

AVIATICA MILITARA SVIZRA

## Novas discussiuns davart fusiun en Engiadin'Ota

■ (rtr) Ina petiziun d'in abitant porta sin maisa puspè las discussiuns davart ina fusiun en Engiadin'Ota. La suprastanza dal circol d'Engiadin'Ota vul puspè discutir la dumonda d'ina eventuala fusiun da vischnancas. Quai suenter ch'in abitant ha inoltrà ina petiziun che pretenda da furmar ina gruppa da lavur per ina proposta dad ina constituziun dad ina vischnanca fusiunada da las 11 vischnancas en Engiadin'Ota. La suprastanza dal circol

vul tractar la petiziun durant la sesida dal parlament regional ils 30 d'avrigl.

Per pudair tractar la petiziun propona la suprastanza dal circol da revotgar la decisiun dal parlament dal 2010. Quella giada aveva decidì il cussegl cumön da renunziar sin tractativas e discussiuns da fusiun. Tractativas duain pir esser pussaivlas suenter ina votaziun da principi dal pievel. Quai aveva decidì il parlament regional per betg stuir laschar vuschar davart ina inia-

tiva da la partida populara svizra che pretendeva ina votaziun dal pievel avant che discutir davart ina fusiun eventuala. La suprastanza dal circol propona uss da revocar la decisiun dal 2010 e da sutmetter l'iniziativa da la Pps al pievel. En vista a la fin dal circol saja ussa il gist mument da discutir puspè davart ina eventuala fusiun da vischnancas argumentescha la suprastanza dal circol en ses messadi per la sesida dal parlament dals 30 d'avrigl.